

福建通志

第陸拾肆冊
列傳

K295.7

1

福建列傳卷十七

明一

張以寧字志道古田人父一清元福建江西行省參知政事以寧年八歲詣縣理伯父獄尹命賦琴堂詩立就伯父得釋由是知名年十五受學寧德韓信同泰定中以春秋舉進士授黃巖州判官屬海寇逼境以寧募民兵乘小船潛布要地賊至一鼓禽之累遷至翰林侍讀學士知制誥以雅擅名人呼爲小張學士明師取元都太祖仍授侍讀學士知制誥兼修國史特被寵遇扈從行幸給筆札賦詩洪武二年秋偕翰林典籍牛諒去使安南冊封陳日烺爲國王甫抵境而日烺卒其兄子日烺嗣位遣其臣阮汝亮來迎請誥印以寧不予曰奉詔封爾先君不言世子留居洱江上使諒諭世子告哀於朝請襲日烺乃遣陪臣杜舜卿等來既得命然後入境將事事峻教世子服三年喪令其國人效中國行藉首禮天子聞而嘉之賜御製詩八章及還道卒詔有司歸其柩所在致祭給三歲祿以贍其

家以寧以春秋高第故治春秋多所自得撰胡傳辨疑最辨博家翠屏山下學者稱翠屏先生子烜燧燁烜炬烜以明經舉官蒲圻知縣炬以茂才薦授新淦知縣終刑部員外郎烜子隆本名挺歷任南雄保昌訓導

楊文敏公集

林弼初名唐臣字元凱龍溪人父廣發爲世大儒任帥府參軍有聲弼母陳夢北斗旁一星入懷中娠而生弼五歲能默書千字文從鄉貢進士周祐游專治毛詩至正八年進士釋褐爲郡幕太祖新定天下廣延儒術弼曰此吾竭思康道時也已酉秋徵詣春官修禮樂書拜吏部考功主事庚戌奉使安南封其世子曰煜爲國王帝以馬援昔討交趾鎮服蠻夷厥績良偉命使臣就波祀之伏波祠久頽弼命工修葺而去比抵安南事竣王命中使夜攜五百金密投弼楊詰朝使從官復餉五百金他物稱是弼悉却不受曰弼持龍節走萬里外豈自意陸大夫裝哉且境外義無私交王勿復言安南王度不可強乃俾入賀使者武漢碑裝其金請於朝上曰王

禮中國使宜贐中國使不貪爲寶使遙與知漢官威儀宜卻贐可謂兩全其道自是上心重之居無何奉詔賑饑越中所全活至巨萬計遷豐城令又有漁獵爲奸者度弼將置之法遂誣弼受賣菜傭黃金一鎰緩傭死逮繫諸獄帝曰此却安南金者顧受傭物耶遂直其冤初弼舟次湖口夢一木人口眼皆動後刑官入奏上見弼名援筆草書休問二字蓋休於字爲木人草書問字上下口眼皆動象也已補饒州府通判佐政多所裨益士民稱之尋改山西垣曲縣丙辰安南告變上遣使往視而難其人廷議父章薦弼弼復銜命往鎮撫以歸擢禮部主事己未拜登州知府訟理政平而祝典學政尤多所振勸以疾卒於官啊博治而志正學曰學不聞道博無益也工書嘗與王太史康論書謂筆法須偏正兼備乃臻妙境近世趙孟頫書非不工但側峰太多不能逃書家清議識者言弼用筆皆正峰有力弟虞臣國子助教世稱雙壁

林登州集附錄

吳源字性傳莆田人蚤孤力學至正末舉泉州路訓導洪武二年授興化

府教授以林廷綱薦召赴闕綱源門生也既召見首以得賢才敦教化養
黎元爲對時太祖方立四輔官委以調均燮理之任兼太子賓客位列公
侯都尉之次源與杜祐龔敷趙民望同膺其選繼令各司春夏季上中下
旬以夏季中旬屬源太祖遊東苑命源與敷等應制聯句恩禮優洽尋以
老乞歸明年遷公侯子弟入國子學司業員缺上念源賢復下詔召之曰
卿前歲一來講道授經無筋力之勞而有成就後學之益亦儒者素志也
未幾卒官有文集二十卷莆陽名公事迹二編姪陽保開封府教授國子
博士勤於教誨陽保孫旺官副憲所至以賢能見推 八閩通志

陳子晟字仲昭連江人洪武四年詔用科舉取士子晟南冠以周易領鄉
薦等入太學選爲荆王伴讀是時天子方寵士郊祀燕遊輒命從官王臣
年少賦詩屬文親第品下子晟爲文有法尤被知賞七年皇太子臨大本
堂召東宮讀讀及諸王府伴讀凡二十五人立庭下諭之曰汝等離父母
墳墓者二年吾已爲請於上宜各歸歸而復來公私兩盡也復命出內

府錢資之歸子晟等羅拜而歸九年從王之國後二年還京師卒於中都
學舍年二十六子晟侍王謩直敢言王甚任之其府長史調巧授王經不
止說恣王所爲無所諫正子晟每廷詰之長史輒面赤趨出衙之會子晟
至楚娶婦甚相愛婦翁謫爲兵戍邊惟外姑及女仔子晟還京師欲與外
姑婦俱行長史特以爲兵妻不可格弗許子晟獨行行發病念婦及外姑
不置遂死

遜志齋集

黃仁字淵靜建安人其曾祖定宋末居六合爲兵馬副都監與元戰敗暖
都擒定將殺之定女叩馬求解暖都義之釋其縛使從略地閩中權授忠
武校尉建寧路下千戶命領兵攻沙縣定引疾固辭居是安終老焉仁負
異資愛易於陳孟龍復質所疑於仲父居德學日進舉洪武四年鄉試明
年會試吏部急於用人不俟再試擢太常贊禮郎宋濂甚愛之時以學問
相易仁因執經從濂遊七年太常卿唐鐸奏請遣官祖山川百神詔選太
常官屬及儀制主事凡七人分遣諸省仁與焉陛辭之日帝諭仁等曰敬

恭明神古今恆道況瀕祭之時平祭在他人亦所當慎況職在奉常乎已盡其職猶難泥欲莅人而使其莊敬乎皆不可不察也爾等聞命之後雖跋涉險阻一言一動有赫其臨案前倚衡無乎不在勿使一毫非僻之于庶幾不廢朕命仁等皆稽首而退復勅禮臣各賜衣一襲御史中丞劉基參知政事陶安吏部尙書詹同等皆有詩贈行仁初名文仁有司援例以犯周文王謚加水於左爲汶仁及解名上中書吏以白右丞相汪廣洋廣洋曰仁之義甚宏無所不包其可冠以汶乎乃去之

陳肅初名大觀字文叔閩縣人洪武四年以孝弟力田薦太祖喜其容止魁異歎曰有是人材出何晚也爲改今名特給誥勅除淮安知府先是盜竊府藏捕弗獲守者皆繫獄肅至似有神啓使人如所指潛伺果得之明年淮安有諸生錢受祿詣闕奏事帝問淮上何官能體朕心對曰惟一知府陳肅卽召赴闕賜璽書褒獎擢四川按察使令民毋火葬官給之地父母在者勿異庖婦人勿預訟凡戒諭數十條皆關風化之大者居二年復

徵入朝超拜禮部尙書命下而卒

道光舊志

方徵字可久莆田人洪武壬子舉人選入武英殿授刑科給事中兼齊王府錄事嘗侍太祖遊後苑聯句有和醉學士歌一日太祖晚朝退顧問徵知有母在賜白金五十兩給驛歸省還京改監察御史奉旨徵行廣西山東察事月餘升懷慶知府明習吏務於民無所勞費因星變求言首言風憲官以激濁揚清爲職今乃計其事績多寡定爲優劣以故不聞旌拔廉能而專務羅織入罪多徵贓罰此大患也又言去年諸行省官吏悉坐空印被罪而河南叅政安然山東叅政朱芾反得升擢朝廷賞罰有失明信曷示勸懲太祖曰安然率齊東軍民內附朱叅政有幹才吾之鄉舊所得陞擢議功能也爾言羅織入罪何人多徵贓罰何官具對徵指河南僉事彭京實之太祖怒降沁陽驛丞十三年以事逮至京卒年三十一嗣子璿正統鄉薦諸暨訓導操守嚴慎曾孫召南嘉靖進士

閩書

林榮字得仁福清人洪武初以貢入太學選入禁庭爲承勅郎侍太祖左

右每勸虛已納諫無多殺戮忤旨出知泗州理冤抑撫痼瘵興學勸農士民德焉觀風使者薦其賢入爲兵部侍郎曉暢軍務綜理周詳擢本部尙書宋濂被逮帝欲殺之皇太子救不可將赴御河榮在側奮身護之衣履盡濡次日感疾卒帝聞痛悼命工部給棺衾遣官護歸贈太子少保初榮少孤思父不置嘗曰榮也念父不見或食焉或羹焉或寢息焉懸懸有思思之不得則升高遠望輒泣然流涕曰光景常新吾父安之乎又曰榮一乘馭則思爲父執鞭一就寢則思爲父扇枕一有疾則思爲父嘗藥因以永思名堂宋濂爲之記

閩書福清縣志

劉宗道名駟以字行龍溪人洪武初以秀才被徵強迫再三而後受命及入試預試者八千人宗道對朝政家治稱旨賜第一上命學士詹徽密察德行尤異者徽復首宗道上賜宴內殿與同時趙肅申甫皆以布衣入侍尋拜都察院左都御史時詔求直言宗道條上格君心澤民物二十事並見嘉納自是每侍食華蓋殿商議大政顧宗道多所譏切遂爲邵質董希

賢所構有詔徙南詔不久貫還所過郡邑持之宗道因遜于播州以俟朝命之定上疑宗道胡久不至命索其家都察院檄取父寶詣京面質使人滇索之寶行至蜀之蘭陵以憂病卒後有詔復取隣戚令與朝使分索得宗道乃已其門人陳拯遇之播州告之故遂赴水死時洪武二十一年也宗道明程氏學好修家禮鄉人稱愛禮先生有愛禮集十卷

閩書

陳汝輝字耿光漳浦人

後隸詔安

攻儒術兼通武略結廬南嶽徧遊燕趙登臨

衡湘發舒雄槩既而歸隱於越結雲庵初溪潭上太祖既渡江用秦元之陳遇薦降書徵辟不應已降書比之伊呂孔明又不應繼徐達遣使敦促卒不至天下既定再薦經明行修始出應詔大臣較其學行第一稱爲八閩元士汝輝條論十事詞氣英爽授禮科給事中遣如蘇州按視民瘼還奏吳淞江數百里墟港所泊無他貨物悉有征稅此皆承襲元紕政乞一切掃除之又言沿海士民荒饑之後困苦之狀皆由課征所致臣以爲常體周官保息之政以寬沿海沙壤之征田沒水者蠲其征園多沙者汰其

米不然魚鹽已輸矣而田園沙水靡常者又征之臣恐垂及百年官吏日以貪酷風習日以華侈風沙日以湮沒伏乞沿邊諸郡勘明削除造冊定制庶幾遠近一體同享太平之休報聞帝自踐阼後頗好釋氏教詔徵東南戒行僧吳印華克勤之屬拔擢至大官時時寄以耳目由是其徒橫甚讒毀大臣舉朝莫敢言惟汶輝與李仕魯相繼爭之汶輝疏言古帝王文武並用所以靖禍亂綏太平未聞有緇流雜居同事而可以相濟者也臣觀勲舊耆德咸思辭祿去位而緇流懷夫乃益以讒聞如劉基徐達之見猜李善長周德興之被謗視蕭何韓信其危疑相去不遠府生太學生之斥視宋臣詠檜貽譏之逐能幾何哉帝不聽復疏請法程顥所陳十事言至再三帝謂其志大言迂不達時變汶輝因自劾求歸不許以爲大理寺丞時有廉使張某杖一僧人知府李某忤一屯道被逮汶輝復抗疏言此細事不足問不報恤刑山東浙江歸還本寺少卿屬李善長之獄復上書力爭善長死帝恩汶輝言召入賜宴與侍臣賦詩宴畢以鞍馬賜歸因問

閩中果物誤對科臣劾汶輝倨傲無禮汶輝謝罪乞休不許頃之山東副使張某不奉勅諭鞭笞內戚帝欲處以大辟汶輝力爭封還諭旨帝怒遣御前指揮逮赴刑部汶輝遽投金水橋下死帝聞而悼之坐指揮不救論死製文諭葬時年九十餘汶輝與仕魯死數歲帝漸知諸僧所爲多不法有詔清理釋道二教然僧錄道錄諸司所設官迄明世不復革焉

道光舊

志

張祖字彥宗惠安人洪武初峻繩吏之法當應役者憚行至斬右大指以自紕又詔民田八頃以上家擇子若孫一人爲吏縣檄至祖弗受縣令白按察使復檄祖祖固弗受按察使謂曰君我輩中人也毋辱於縣遂挾以去祖旣通儒術兼曉九章算法時方行方田法以其事屢之祖言閩中田一則太略九則太繁當定爲上中下三則然後詳略得中時不能盡用其言建文時以憲吏考入格留爲吏部吏尙書張統特器之時帝與方孝孺輩講求古經濟之事多變太祖舊章章奏下吏部旁午祖密言於統曰高

皇帝起布衣有天下立法創制規模甚遠今更之未必勝前徒滋人口願
公力持之夫爲治亦願實效何如耳統深然之而奪於羣議時添設京衛
知事一員佐經歷理刑名詔吏部選考者統曰無踰祖矣授留守知事成
祖卽位除罷建文所置官出爲安吉縣丞又追咎建文時改官制者統懼
自經於吏部後堂妻子相率投池中死屬吏無敢視者惟祖經紀其喪時
人義之安吉在萬山中與徽寧池接壤多逋民隱田不以實祖在職九年
修築陂塘圩岸不可勝計逋民隱田者令以占籍輸免其罪以最遷湖廣
按察司經歷未上卒子頤

頤字士表恤孤賑貧作家塾教子孫凡親戚子弟來學者悉廩之歲大旱
鄉人或闔門病頤持粉漿藥物沿戶省視正統中沙寇作亂距縣近眾惶
惑欲避頤言於知縣當扼要堅守毋自恇擾俄有令抽大戶轉米餉軍人
洶洶又謀避頤率先詣縣受米令大喜卽屬頤督餉頤勒什伍止宿輸
悉有次第畢事無一亂行者

以上道光舊志

張智字玄略順昌人元儒學提舉昇之子元季以才出叅閩省機務省臣承制授同知新喻州事已而知事不可爲浩然歸洪武十一年以明經應薦上吏部授夷陵州學正九載以內艱歸服除入覲尚書趙勉薦於朝遂超拜禮部試左侍郎請以書籍頒布北方學校未幾實授右侍郎是時諸儒多有不稱任使者至櫻顯僂太祖勅智等曰古之儒者務學以明體適用窮則忠信篤敬以淑諸人達則忠君愛國澤被天下朕自御宇以來擢用儒士布列百司思得其人卒少見效良由師道不立故成材罕聞爾禮部宜以朕言論天下俾凡爲儒者必恪遵古先聖賢勿徒尙文智請首行於大學從之智尋奏歲貢生員舊制中試者送國子監不中者罪有司停學官俸生員罰爲吏今不中者遣還讀書有司教官罰如故是生員不率教者無所勸懲也上迺命更定其制不中者有司官任及三年論如例二年者停俸半年一年者停俸三月學官無分久近罰如例生員廩食五年者爲吏不及者遣還讀書次年復不中者雖未五年亦罰爲吏懿文太子

薨命智議喪禮尋以時享在邇令與翰林院叅考古制智奏曰王制三年不祭惟祭天地社稷不敢以卑廢尊今定議天地社稷先師歷代帝王須用樂外惟太廟乃祖先神靈所在既有喪而時享仍用樂恐神不樂聽宜備而不作詔從之二十六年以事左遷國子學錄尋升博士建文中升司業孜孜開導永樂初宰太學講周易特蒙異賜四年卒於官

楊文敏公文

集聞書

陳潛中初名元亮以字行仙遊人洪武十三年以聰明正直舉授開建知縣秩滿至京計歷俸少十五日例當罰輸作尋遇赦還洪武末年莫士忠爲上饒縣丞薦潛中忠孝清廉詔起復以疾不起建文元年聞燕邸有異志上書陳忠信四事以諫又疏便民十二事於帝帝召問諫燕事給紙筆以對尋放歸四年靖難兵至潛中又上書言太祖皇帝詔諸王各守其地今王棄太祖遺命將何以對天下惟願以骨月至親守正護國如固心惑志蹈管蔡遺事潛中誠爲痛哭王怒捕下獄旣而釋之永樂八年有旨取

閒官不願仕者皆起送選用延久不至者七十以上聽未七十者充軍潛
中例解至京以年七十一免

開書

陳觀字廷賓莆田人元末不仕與方樸等二十二人爲壺山文會詩具唐
格自稱莒峰耕者明興舉道逸擢本府訓導洪武十四年寧國簿林一初
薦觀文學被召至京朝謁偉然玉立高皇帝異而問之觀具對上試以王
猛捫蝨論稱旨擢陝西布政司右叅政居二年忽馳符召之比至則曰按
察司有短爾才者爾可就儀禮司供事肄禮已役召觀曰侍左右尙膳至
膳乃休嘗應制撰鍾山賦立就甚蒙睿賚以祖母喪歸服除赴闕卒方觀
持服歸時兒孫或從容問曰陝有鑛是何狀也觀驚曰吾待罪藩寮幸無
遺汝曹戍籍足矣何金之問耶著有輟耕吟稿

開書

沈士榮閩縣人博學有才辯洪武中以儒士舉至京上疏曰臣欽奉勅符
受國重聘與天下士數千人親承聖諭其論治道諄諄誠切至于再三臣
之愚昧不足仰答然使臣不肖之言行則賢於臣者皆進言矣古稱才難

周有九人而已賢者難遇蓋千萬中不得一二焉如淘沙取金厭沙多而不淘則金不可得用人而歷試之如鑛之鍊銀若不鍊而用之則鑛多而不能成器矣願皇上詳加採擇勿謂儒者皆賢而盡用之又勿謂一士不稱而餘士盡棄至拔本之論則在皇上之身惟是正心實爲先務茲因聖諭切至感發中懷臣實思竭愚衷如蒙給以筆札條列事宜或入侍左右劇論庶政臣之願也太祖嘉納擢爲翰林待詔手詔褒諭曰昔周舍欲載筆操牘隨君之後日有所記月有所效歲有所得其君悅之卿八閩志士久守儒道應召而來傑然特出據誠納忠欲罄所懷非但朕愛卿聞卿之風者皆知愛矣守此不變將同古人名垂後世卿尙勉之

閩書

林興祖字伯禎閩縣人父子華元季以員外郎鎮潮州遂家於潮洪武間母嘗坐舅氏累拘縣庭將笞之興祖號哭哀切請代遂並釋翼日縣以禮幣舉孝廉上京師授蓬萊主簿三年坐稽公務降龍江驛丞母憂服闋改揚州府儀真遞運大使郡饑時夏原吉爲採訪使得便宜行事在福建知